



9
4186
23



昭
和
田
大
作
氏
贈

傳家寶

聯瑾

人情世事須知
修身齊家要法

醒語字不忌

揚州石成金天基訂集

德業常看

勝如我者則愧恥自增。

境遇常看不如我者則怨尤自息。

有才而性緩定屬大才。

有智而氣和總為大智。

處世讓一步為高退步即進步張本。

待人寬一分是福利人實利已根基。

傳家寶

聯

利

門口 9
號 4186
卷 23

知止自當除妄想。

安貧須是禁奢心。

人雖至愚。責人則明。以責人之心責己。則寡過。
人雖聰明。恕己則昏。以恕己之心恕人。則全交。

婦人識字。多致誨淫。

浴子通文。終流健訟。

休怨我不如人。不如我者甚衆。

休誇我能勝人。勝如我者更多。

施恩望報。勢必成仇。

爲善求知。弊將得謗。

凡一事而關人終身。縱實見真聞。不可着口。

凡一語而傷我長厚。雖聞談酒謔。慎勿形言。

飽諳世事。慵開口。

會盡人情。暗點頭。

待有餘而濟人。終無濟人之日。

待有暇而讀書。必無讀書之時。

勤爲無價之寶。

忍是衆妙之門。

遇沉沉不語之士。切莫輸心。

見悻悻自好之徒。應須防口。

退一歩行。卽是安樂法。

道三個好。廣結歡喜緣。

當樂境而不能享。畢竟薄福之人。

陷苦境而反覺甘。纔是真修之士。

心地上無風波。隨在皆青山綠水。

性天中有化育。觸處見魚躍鸞飛。

韶光去矣。歎眼前歲月無多。可惜年華如疾馬。

長嘯歸與。知身外功名是假。好將姓字任呼牛。

若富貴貧窮。由我力取。則造物無權。

若毀譽嗔喜。隨人脚跟。則說夫得志。

才子安心草舍者。可登玉堂。

佳人適意蓬門者。堪貯金屋。

避庸懦之名。必走入刻薄中。天必怒。人必怨。
愛狡獪之行。遂流至險惡道。禍亦起。福亦消。

過分求福。適以速禍。

安分遠禍。將自得福。

我過望於人。人未必遂。如所望生出多少怨憾。
人薄求於我。我必須勉應其求。省了許大煩惱。

慾不除。似蛾撲燈。焚身乃止。
貪無了。如狸嗜酒。鞭血方休。

拙之一字。免了無千罪過。

閒之一字。討了無萬便宜。

世味濃。不求忙而忙自至。

世味淡。不偷閒而閒自來。

白日若不落。紅塵應更深。

甜苦備嘗。好丟手。世味渾如嚼蠟。

生死事大。急回頭。年光疾于跳丸。

榮寵傍邊。辱等待。不必揚揚。

困窮背後。福跟隨。何須戚戚。

圖未就之功。不如保已成之業。

悔既往之失。不如防將來之非。

清閒無事。坐卧隨心。雖粗衣淡飯。自有一叟真趣。
紛擾不寧。憂患纏身。卽錦裳厚味。只覺萬般愁苦。
心術不可得罪於天地。

言行要留好樣與兒孫。

平民肯種德施惠。便是無位的卿相。

替得確。

仕夫徒貪權市寵。竟成有爵的乞兒。罵得切。

石火耳。電光耳。有限韶華。豈可與草木同腐。同朽。
野馬也。塵埃也。無多氣息。定要塞天地。至大至剛。

已所不欲。勿施於人。莫作風波於世上。

行有不得。反求諸己。自無冰炭到胸中。

日口與親友處。見死亡者。安得不樂。安得不悲。

時時與聖賢對。有差別意。寧不自愧。寧不自勉。

衣食不過溫飽。惟辛勤省儉。可能續生不乏。

酒色何苦貪戀。惟顧說尊節。可能保壽不夭。

積金積產。是待子孫以不肖。我父祖何嘗有遺。攻人責人。是望衆人以聖賢。我自身誰來照管。

一絲一粒。皆天地化育。其祖苦創。皆織女農桑辛力。當思如何報答。一言一動。有家人瞻顧。有知交察識。有鬼神日月照臨。愚如何慎修。恩雖亂施。每不期而自會。怨不可作。恐窄路之或逢。

性資既賦。下愚若再以懶添愚。則終身必不能結果。才調自知。至拙。苟能將勤補拙。則後來或可爲成人。

說短說長。寧說人長。莫說短。

施恩施怨。莫施人怨。且施恩。

明識紅樓爲無塚之丘壠。迷來認作捨身岩。

盲知舞衣爲暗動之兵戈。快去暫同試劍石。

倚高才而玩世。背後須防射影之虫。

飾厚貌以欺人。面前恐有照膽之鏡。

且慢說人。先把自家說說。

不消談命。好將天理談談。

一時芥蒂之仇。恨人不須入骨。

幾句誹謗之語。任他何用傷心。

作事退一步。彼時似懦怯。過後討得安閒。

出言讓一句。當前若理屈。反思轉覺情長。

討人便宜。卽是吃虧。從此起。

占人顏面。安知侮我不招來。

爭名利要審自己分量。不要眼熱別人。更生妒忌之心。
撐門戶。要算自己來路。不要步趨別人。妄生捫扯之計。

達人知足。一榻已自恬如。

昧者多求。萬鍾猶不滿意。

先須言語簡默。當啟口且復緘藏。

最要氣象和平。有拂意更宜含忍。

伶俐人轉博痴迷。

混沌氏原多含蓄。

得飽便休。身外黃金無用物。

遇閒且樂。世間白髮不饒人。

讀可榮身耕可富

勤能補拙儉能長

見權要無誦可也不必過爲傲慢

遇匪類勿比可也何至遂成寇讐

知足常樂

能忍自安

精神耗失雖日日參著更助慾火之燃

德行虧損卽時時經懺祇增神佛之笑

能改過則天地不怒

能安分則鬼神無權

不急之事切莫爲空勞神費力

無益之言切莫說恐惹是招非

知足者身貧而心富

貪得者身富而心貧

寧可人負我守而固知命之原

切莫我負人推而大忠恕之道

貧士肯濟人。纔是性天中惠澤。
開場能篤學。方爲心地上工夫。
家坐無聊。不念食力担夫。紅塵赤日。
汝官不達。尚有高才秀士。白首青衿。
事事反已。世上無可怨之人。
時時問心腹中。少難言之事。
君子固該當親然。亦不可曲爲附和。
小人固該當遠然。亦不可顯爲仇敵。

譬諸賢於我者。則道心口長。
譬諸貧於我者。則侈心日消。
有作用者。器宇定是不凡。
有受用者。才情斷然不露。
莫作心上過不去之事。
莫萌事上行不去之心。
飽諸世事。一任覆雨翻雲。總慵開眼。
會盡人情。隨叫呼馬喚牛。只是點頭。

居貧不節省。則貧無了期。
處富不受享。則富歸何用。

豈可說無求。淡飯粗衣求便足。
還須知保命。貶酒缺色命纔安。

四季和平之福。只在隨緣。

一生牽惹之勞。都因多事。

能知此。則一生大快樂。

饑乃加食。蔬食美如珍味。
倦然後睡。草榻勝似重裯。

此一聯是處貧極樂法。

駟馬難追。吾欲三減其口。

隙駒易過。人當寸惜乎陰。

怨欲人死。恩欲人生。天地不管人恩怨。

神竭我亡。精竭我病。鬼魔只看我精神。

事非親見。切勿信口談人。

境未身臨。安得從傍論事。

奉一杯吉人水。願先生洗去怨心。

誦幾句骷髏詩。望長者除開業障。

爲勉強求生。諸事都駝在身上。

恨始終安命。百憂方卸却心頭。

三食適當其時。不必服藥。

時體此聯即可却病延年。彼飽傷思擾者。雖服藥坐功。毫無益也。

一覺直睡到曉。何須坐功。

說法者。講空空無無。上爲衆生。下爲自己。

達觀者。視生生死死。留則煩惱。去則逍遙。

不惜費。必至於空乏而求人。

富吝貧吝。均爲大弊。

不受享。無怪乎守財而遺消。

切莫厭繁。當做的也要做。

須知分定。得閒處且畧閒閒。

遇人好勝。慌忙從退讓裡潛藏。

蒙怒難當。急早借謙虛中寄頓。

爲善要藏。藏作陰功。功始大。

有才莫逞。逞招顯禍。禍將來。

微草微木。但得趣可當名園。全要知趣。

一筋一杯。只充腸。何須鼎食。

謹慎從容。過失縱多也少。

張皇苟且。事為縱是還非。匆匆中每多錯誤。前人云。忙裡要斟酌。就遲不就錯。

我願學痴呆漢子。無疾病。啣飯穿衣。

老難學勤苦郎君。好光陰。耕田鑿井。

凡事要防。訓誡瓜田李下。

是行當慎。嫌疑嫂溺叔援。

路遠日暮馬力疲。凡是行人。早些休歇。

年老家貧身苦病。莫為痴漢少些思量。

心若不馳。閉日天空海濶。

身難制慾。請看燭滅燈消。

孝弟忠信。禮義廉恥。是撐天八根大柱。

慈愛溫良。敬讓謙和。真涉世幾個補方。

老不知休。渴鹿捨江奔日。

貪不知足。燈蛾拚死圖明。

一日風。兩日浪。雙喜家餘怒當防。

昨朝雨。今朝晴。天道流行難定。

語言莫多。恐忌者據爲口實。
機謀要少。怕尸神默告天君。
早丟下恩情擔子。莫上有頭。
多傳些清淡方兒。別安題目。
定任心。不令他動作。他自澄清。
謹閉口。莫說人短長。人無恩怨。
怒氣伏寬。用寬自然少怒。
勞心喜逸。處逸慎勿忘勞。

身世無多。幼壯老死。轉眼便到。
光陰有限。笑談毀譽。反掌成空。
大藏五千四十八卷。但得一覺字。便識因緣。
百年三萬六千餘場。肯作些夢看。何等自在。
暗室裡要持心。恐我因他開愁府。
得意中須謹口。怕他致我入愁門。
口舌討便宜。從來何益。
心腸用寬厚。到處堪容。

草楊心閒。布被逢春自煖。
瓦盆飯飽。菜根放筯。猶香。

莫說禮爲迂。天地範圍要用。
何曾善不好。子孫賢孝由生。

留福與兒孫。未必盡黃金白鏹。
種心爲產業。由來皆美宅良田。

忍得氣。弊得虧。安身大寶。
忘些情。割些愛。立命真符。

費苦心求得來。多見子孫樂處用。
只怨念行將去。曾聞福壽厚中生。

非良友莫深談。恐設機關算我。
得芳鄰還定約。願將節孝風人。

榮與辱都只片時。何不片時忍耐。
善與惡無非一念。好將一念隄防。

洗去妬心。他好由天。妬不得。
除開妄念。我生有命。妄徒勞。

目見耳聞慾從此中生出。

酒場色陣禍俱個裡招來。

快意事休誇。自古敗名因快意。

傷心事莫說。從來結怨爲傷心。

水柔石剛。石爛水不曾爛。

善真惡假。惡消善不能消。

煮粥煮羹。卽無飯未嘗不飽。

破裘破帽。但有着更復何求。

門關竊效藏身法。求寡過不但藏身。

天戒多言卷舌星。少雄談卽是卷舌。

苦辯強爭。贏得也輸氣力。

窮歡極慾。損多何益精神。

看得破。譬得粗。安心令他無欲。

甘些勞。受些苦。杜門放我偷生。

一忍住心。百辱場中自在。

三緘其口。羣爭陣裡安閒。

凡事了心。不必時時了口。

若言逃靜。還須急急逃名。

家常滋味多偏好。淡薄處要開口嘗嘗。

妄費精神少不妨。馳騁時須轉頭看看。

愛慾傷腎。何曾略怕水枯。

醜甘損脾。反說不如食補。

世味隨濃淡。隨他來臨時檢察。

愁根拔嗔恨。拔得去。到處安閒。

心中榮辱。心不着。卽無榮無辱。

世外死生。世肯忘。可任死任生。

忍能代禍。真靈藥。名安樂湯。

儉可成家。卽妙因。稱自在果。

自己有好。不可說。若說一分。名卽減一分。

他人有善。必須揚。如揚一件。德亦進一件。

短莫如長。人各有分量。

禍總見福。天別有安排。

卽天卽地卽神明。守心在此。任死任生任遲速。聽命隨行。

是有根。非亦有根。斷是斷。非根始爛。

垢為病。淨亦為病。不垢不淨。病絕除。

物非磨削。難成器。要受些虧。

人若矜驕。易敗名。禁不得好。

有意去害人。天地明明親看見。

無心中得罪。鬼神默默代湔除。

友不擇濫交。此日膠漆。他時冰炭。

友要擇而後交。不可交而後擇。

家失和成隙。外傷手足。內變心腸。

家和貧也好。不義富如何。

怒卽火。氣卽薪。火發添薪。難熄。

爭如水。讓如日。水堅遇日當融。

忠門孝門善門。個個此門宜進步。

說得學得行得。人人三得要留心。

試閉目。人與我皆空。

但回觀。境與身俱妄。

鬪辯場中縮舌認作痴頑。

高人見識難向常人講說

酒杯陣裡偃旗由他攻戰。

讀書有神下得十分工夫。即得十分效應。

洗心無垢去得一種駁雜。便得一種精縛。

快意雜談煩惱同時下種。大要收斂

忍心切齒怨讐共日開門。留些餘地好解釋

天理路上行走。遭逢俱是福星。

機謀場內安身。撞遇盡皆讐敵。

佛祖無奇。但作陰功莫作孽。

總括釋道真機警悟一切

神仙有法。只生歡喜不生愁。

炎涼之態富貴多於貧賤。

世情如此可畏可笑

妒忌之心骨肉甚於外人。

財利算不盡。守拙亦可無過。

富貴難強求。安分到有餘閒。

凡事存一點天理心。雖不必責報於後。子孫賴之。

每日說幾句陰德話。縱未能盡施於人。鬼神鑒之。

事有機緣不先不後剛剛湊巧

非明人之能與不能

命若蹭蹬。走來走去步步踏空。事勢已成敗局。就該撇下。留在心中越添愁悶。機緣未有頭緒。當聽自然。強去營為多貽後悔。

賤剝聚財。放利兒何會長世。

絲毫不爽

睚眦修怨。健訟子無不傾家。

做事只一味鎮定從容。縱紛若亂絲。終當就緒。待人無半毫矯偽欺隱。雖狡如山鬼。亦自獻誠。

念古來極冤人則微。毀微辱何須計較。

知此得大活樂

觀世間最惡事。則一青一慝。儘可優容。

我於人。一切寬解成就。誼合如此。不足為恩。

人於我。諸般橫逆誹詆。實無所傷。何須作怨。

爭先的路徑窄。退後一步。自寬平一步。

濃艷的滋味短。清淡幾分。自悠長幾分。

身被名牽。凡籠鷄鶩。

識透總是達人

心為形役。塵世馬牛。

陰騭廣施。人生何處不相逢。
冤仇莫結。路逢狹曲難迴避。

淡泊是高風。若甚枯。則何能濟人利物。
憂勤乃美德。如太苦。則無以適性怡情。

每想病時。則塵心漸減。
常防死日。則善念自生。

貧乃士之常。貧而能樂。清淨之福。自我受之。
富爲人之過。富而好施。衆美之善。自我成之。

世事讓三分。天空地濶。

心田培一點。子種孫收。

創業維艱。祖父倍嘗辛苦。

守成不易。子孫宜戒奢華。

人極多算計。其如命何。

均不過命

天最有分明。只是性慢。

欺不過天

浮躁一點。到處便招尤悔。

因循兩字。從來悞盡英雄。

志欲光前。惟是詩書教子。

心存裕後。莫如勤儉傳家。

言易招尤。對人須少談幾句。

書能明理。教子宜多讀兩章。

處家庭。難較量是非曲直。

盡人事。德主張德怨恩讐。

勤儉持家。惜分陰而崇蓄寶。

耕讀為本。熟穀種以繼書香。

若富貴貧窮。由我智力。則造化反無權。

決無此理。

若毀譽嗔喜。隨人脚跟。則詭夫愈籍口。可知杜然。

人能知足。則隨地可以自安。

大快樂。

若復無厭。則求望曷其有極。

大苦惱。

福莫福於少事。惟苦事者。方知省事之為福。

禍莫禍於多心。惟平心者。始知多心之為禍。

朝廷大奸。不可不攻。容大奸。必亂天下。

朋友小過。不可不容。攻小過。則無全人。

醇醪百斛。難比一味太和湯。

清和二字保身秘訣。

良藥千句。不如半服清涼散。

口不含半粒。體不掛寸絲。來時如此而已。

夜卧止八尺。日食止一升。身外何所用焉。

一生在君父恩中。問何報稱。

凡事看兒孫分上。勸且寬容。

讀聖賢書。明體達用。

行仁義事。致遠經方。

豐儉依乎中和。無諂無驕。

是非循乎天理。何憂何懼。

孝弟通神明。務先根本。

言行動天地。慎爾樞機。

天地無私。為善自然獲福。

聖賢有教。修身可以齊家。

有工夫讀書。便為造化。

得功名到手。方是文章。

素位而行無入不自得。
居易俟命樂亦在其中。

據德依仁處世不踰規矩外。
存心養性致身常在太和中。

捱不過的事莫如早行。
悔不來的言慎勿輕說。

事縱放得心下再慎何妨。
言若來到口邊三思更好。

怒中言發之速悔之遲可思可省。

世間財得則難用則易宜儉宜勤。

讀萬卷書總寬眼界。

種千鍾粟要好心田。

世事變更多卸有休管自無任勞任怨。

人情翻復快緘口不說那有閒是閒非。

仁人之言藹如其吉。

君子之交淡而無文。

父母恩深。翁姑善至。趨庭當以盡孝為先。
兄弟義重。妯娌情長。同室莫如取和為上。

學張公寫百忍圖。受許多快樂。
得老子退一步法。討無限便宜。

立身行道。揚名於後世。

夙興夜寐。無忝爾所生。

家本農桑。雖宦達當記得先人櫛風沐雨。
世守耕讀。縱富貴莫忘却平日淡飯黃齏。

從五更枕簟上。叅勘心源。纔見本來面目。

向二時飲食中。諳鍊世味。方為切實功夫。

多欲何窮。知足眼前皆樂土。

我生有定識。時身外總浮雲。

悟恩是雙言種。情是怨根。則往日之愛河得渡。

知無學為貧。無骨為賤。則當前之地位頗高。

地以上即天。毋曰天之高也。

可畏可敬時刻矐昧不得

人以外即神。當曰神之格思。

不風之波。何日定把舵宜牢。

一日風波十二時

開眼之夢。幾時醒回頭要早。

處世若大夢

講學屬分內事。若悟明心性。不必佞求佛老。
怕死是身後。憂如消除冤愆。何妨就對閻王。
聰明人本之以孝。不在文章。

富貴人勸之以寬。非徒博濟。

經幾翻。知幾翻。世事。

世事經過蜀道平。

交一遍。識一遍。人情。

人情歷盡秋雲厚。

大道無差。用力須從根本上。

聖言可畏。求安只在隱微中。

愛惜精神。要留此身擔當宇宙。

蹉跎歲月。問將何事報答君親。

耕讀兩途。讀可榮身。耕可富。

勤儉二字。勤能創業。儉能盈。

奉公守法。雖然清淡。却晝夜常安。

越理虧心。卽致富貴。但神魂不樂。

孝弟忠信認得真乃希聖希賢地位。
酒色財氣看得破即學仙學佛根基。

世事如棋起手當思好結局。

人生若戲開場須要美團圓。

鳥語枝頭會心處皆為真學問。

全要人領畧

花明檻外觸目時盡是大文章。

看果報無差更當努力修己。

知人心難測惟以正氣格天。

世路崎嶇只宜省言省事。

天下本無事庸人自擾之。

人情反覆還須慎始慎終。

事未入手先思結局方能始終如一。

仰不愧俯不怍戒慎恐懼乃君子特身之本。

上不欺下不擾正大光明是丈夫立世之方。

煩惱多惟有寡言逸事少。

寡言節慾是延壽最妙法。

疾病少皆因節慾養精多。

一朝間富貴狠狠爭來雖得還是失。

百歲好光陰忙忙過去縱壽亦為天。世人通病

鄰舍要和。有事自來勸解。
聲名貴讓。逢人他肯吹噓。

修己克己。安分守己。行幾件天理事情。多福多壽。
忍人讓人。切莫害人。存一片公道心腸。種子種孫。

戒色方。用聾耳。瞎眼。死心。三味。

勝似仙丹。

養病法。只寡言。少食。息怒。數般。

真為秘訣。

心體本空空。任口誇色。噴受俱容易。

世緣惟淡淡。便飯蔬飲水。享有何難。

處世無奇。但存心不愧天地。

居家有道。惟忠厚以遺子孫。

孝莫辭勞。轉眼便為人父母。

善休望報。回頭只看汝兒孫。

式樣分明。

履厚戴高。時時無負天地。

謹微慎顯。念念求對鬼神。

斗室安身。可養性情。休說窄。

坦途豁志。得伸步處。不為難。

只耕田。只讀書。自然富貴。 本分事業

不欠債。不健訟。何等安寧。 快樂人家

斗室安居。未及積金先積德。 積德勝遺金

布衣隨分。雖無恒產有恒心。

謙受益滿招損。在一念屈伸之際。

柔能有剛則折。即修身消長之機。

與世無營。惟培養一庭和氣。

讀書何事。只尋求這點良心。

善惡到頭終有報。須與讓與仁。當培受福弭災之本。

繁華過眼總成空。要克勤克儉常思守成創業之難。

此熊縣尊訓民語。字改易數字人能佩服一生受用有餘。

飲酒莫教成酩酊。

仰子所謂美酒飲教微醉後好花看到半開時。即同此義。帆只揚五分船便安穩矣。

看花慎勿至離披。

熱鬧場中人。向前我。向後退。讓一步。緩緩再行。則身不傾。安樂甚多。是非窩裡人。用口我用耳。忍耐幾分。想想再說。則事無差謬。禍患何及。

莫擒他山之虎。 擒虎恐難。

休拋自己之珍。 拋珍可惜。

警邊之努易避。而恩裡之戈難防。
苦時之坎易逃。而樂處之阱難脫。
須要仔細

事稍拂逆。便思不如我的人。則怨尤自消。
心若怠荒。即想勝似我的人。則精神自奮。

夜眠六尺。日食一升。何須百般計較。
書讀五車。才分八斗。未聞半日清閒。
喚醒許多求富求貴之
人。向中數百學多。撰得巧

脚不亂走。口不亂談。是快活事。
心不妄求。身不妄作。即安樂窩。

世上幾百年舊家。都由積德。

天下第一等好事。還是讀書。

居官有二語曰。惟公則生明。惟兼則長威。

治家有二語曰。惟恕則平情。惟儉則足用。

雍穆人家。兄弟翁恭子孝。

太平世界。書聲牧唱樵歌。

養喜神。則精爽泰豫。而身安。

集和氣。則情意流通。而家福。

世路風波。慎行謹言。庶幾濟川舟楫。
人情嶮巇。平心和氣。方得閱歷坦途。
富貴盡戲場。演戲人多觀戲少。
功名比自爭局。勸爭客衆息爭稀。



傳家寶

命銓

人情世事須知
修身齊家要法

揚州石成金天基批訂

立命之學

余童年喪父。老母命棄儒而學醫。謂既可以養生。又
可以濟人。利己利人。亦是良策。且習一藝以成名。爾父夙心也。
後余在慈雲寺遇一老者。修髯偉貌。飄飄若仙。余敬
禮之。語余曰。子仕路中人也。明年即進學矣。何不讀
書。余告以故。曰。吾姓孔雲南人也。得邵子皇極數正

傳數該傳汝予引之歸試其數纖悉皆驗余遂起讀書之念孔爲余起數縣考童生當十四名府考七十一名提學考第九名明年赴考三處名數皆合復爲卜終身休咎言某年當補廩某年當貢貢後某年當選四川一大尹在任二年半卽宜告歸五十三歲八月十四日丑時當終於正寢惜無子余備錄而謹記之自此以後凡遇考校其名數先後皆不出孔公所懸定者獨算余食廩米九十一石五斗當出貢及食

米七十餘石屠宗師卽批准補貢余竊疑之後果爲署印楊公所駁直至丁卯年始准貢連前食米計之實九十一石五斗也神數奇驗余因此益信進退有命澹然無求矣貢入燕都留京一年歸遊南雍未入監先訪雲谷會禪師於棲霞山中對坐一室凡三晝夜不瞑目雲谷問曰凡人所以不得作聖者只爲妄念相纏耳妄念却是入之大害汝坐三日不見起一妄念亦難得余曰吾爲孔先生算定榮辱死生皆有定數卽要妄想亦

無可妄想。雲谷曰：我待汝是豪傑，原來只是凡夫。問其故曰：人生安得無數？但惟凡人有數。極善之人，數固拘他不得；極惡之人，數亦拘他不得。透徹之語，非大悟人莫知。汝二十年來被他算定，不曾動轉一毫，豈不是凡夫？余曰：然則數可逃乎？曰：命自我造，福自我求。此二句，是立命正理，亦是造命妙法。詩書所稱的為明訓，我教典中說求功名得功名，求富貴得富貴，求男女得男女，求長壽得長壽。夫妄語乃釋迦大戒，諸佛菩薩豈誑語欺人？余進

曰：孟子言求則得之，是求在我者也。道德仁義可以力求，功名富貴如何求得？雲谷曰：孟子之言不錯，汝自錯解了。六祖說：一切福田，不離方寸，從心而覓，感無不通。求在我不獨得道德仁義，亦得功名富貴。內外雙得，是求有益於得也。若不返躬內省，徒向外面馳求，則求之有道矣，得之有命矣。因問：孔公算汝終身若何？余以實告。雲谷曰：汝自揣應得科第否？應生子否？自揣二字，問得好。余追省良久，曰：不

應也。科第中人，類有福相。余福薄，又不能積功累行，以基厚福，兼不耐煩劇，不能容人，時或以才智蓋人，直心直行，輕言妄談，凡此皆薄福之相也。豈宜科第哉？世人每犯此病，須當自知速改。地之穢者多生物，水之清者常無魚，余好潔和氣，能育萬物，余善怒，愛為生生之本，恐為不育之根。余矜惜名節，常不能舍己救人，又多言耗氣，喜飲燥精，好徹夜長坐，而不知保元毓神，皆宜無子。世人每犯此病，須當自知速改。其餘過惡尚多，不能悉數。白知

雲谷曰：豈惟科第哉？世間享千金之產者，定是下金人物，享百金之產者，定是百金人物，應餓死者，定是餓死人物，天不過因材而篤，幾曾加纖毫意思，即如生子有百世之德者，定有百世子孫保之，有十世之德者，定有十世子孫保之，有三世二世之德者，定有三世二世子孫保之，其斬焉無後者，德至薄也。此句凜然汝今既知非，將向來不發科第生子之相，盡情改創。治去病根。務要積德，務要包荒，務要和愛，務要惜精神。

從前種種譬。如昨日死。從後種種譬。如今日生。此義
理。再生之身也。此四要。二如是。造命。夫血肉之身。尚
法。只要人能自立。然有數。義理之身。豈不能格。天太甲曰。天作孽。猶可
違。自作孽。不可活。孔先生算汝不登科第。不生子者。
此天作之孽也。猶可得而違。汝今力行善事。多積陰
德。此自作之福也。安得不受享乎。易為君子謀。趨吉
避凶。若言天命有常。吉何可趨。凶何可避。開章第一
義。便說積善之家。必有餘慶。積不善之家。必有餘殃。

汝信得及否。余信其言。拜而受教。因將往日之罪。佛
前盡情發露。這總是真懺悔。為疏一通。先求登科誓行善事
三千條。以報天地祖宗之德。雲谷出功過格示余。令
所行之事。逐日登記。善則計數。惡則退除。且教持準
提咒。以期必驗。語余曰。符錄家有云。不會書符。被鬼
神笑。此有秘傳。只是不動念也。執筆書符。先把萬緣
放下。從此念頭不動處。下一點。謂之混沌開基。由此
一筆揮成。更無思慮。此符便靈。凡祈天立命。都要從

無思無慮處。感格孟子論立命之學曰。夭壽不貳。細分之豐歉。不貳。然後可立貧富之命。窮通不貳。然後可立貴賤之命。夭壽不貳。然後可立生死之命。人生世間。惟死生爲重。曰。夭壽則一切順逆皆該之矣。至修身以俟之。乃積德祈天之事。曰。修則身有過惡。皆當治而去之。曰。俟則一毫覬覦。一毫將迎。皆斬絕之矣。汝未能無心。但能持準提咒。無記無數。不令間斷。持得純熟。於持中不持。於不持中持。到持念頭不動。

則靈驗矣。凡事皆然余初號學海。是日改號了凡。蓋悟立命之說。而欲不落凡夫窠臼也。從此以後。終日兢兢。便覺與前不同。前日只是悠悠放任。到此自有戰兢惕勵景象。在暗室屋漏中。常恐得罪天地鬼神。遇人憎我毀我。自能恬然容受。到明年刑部考科舉。孔先生算該第二。忽考第一。其言不驗。而秋闈中式矣。行善事之報應然行義未純。檢身多謬。或見善而行之不勇。或救人而心常自疑。或自勉爲善。而口有過言。或醒時

操持而醉後放逸以過折功。日常虛度。自己巳歲發願直至己卯歲。歷十餘年而三千善事始完。何等難時方有事入關。庚辰南還始及回向。遂起求子願。亦許行三千善事。辛巳生男天啓。余行一事。隨以筆記。汝母不能書。每行一事。輒用鴛毛管印一紅圈於曆日之上。或施貧人。或放生。命。一日有多至十餘圈者。至癸未八月。三千之數已滿。何等九月十三日復起求中進士願。許行善事一萬條。丙戌登第授寶坻知縣。

余置空格一冊。名曰治心篇。晨起坐堂。家人携付門役置案上。所行善惡纖悉必記。夜則設桌於庭。效趙閱焚香告帝。汝母見所行不多。輒頻感曰。我前在家相助爲善。三千之數得完。今許一萬。衙中無事可行。何時得圓滿乎。夜間夢見一神人。余告善事難完之故。神曰。只減糧一節。萬行俱完矣。蓋寶坻之田。每畝二分三厘七毫。余爲區處減至一分四厘六毫。委有此事。心頗疑惑。適幻余禪師自五臺來。余以夢告之。

且問此事宜信否。師曰：此心真切，卽一行可當萬善。況合縣減糧，萬民受福乎。余卽捐俸銀，令其就五臺山齋僧一萬，而回向之。孔公算余五十三歲有厄，余未嘗祈壽，是歲竟無恙。今六十九矣。書云：天難諶命，靡常。又云：惟命不于常，皆非誑語。吾於是而知凡稱禍福，自己求之者，乃聖賢之言。若謂禍福惟天所命，則世俗之論矣。汝之命未知若何，卽命當榮顯，常作落莫想，卽命當順利，常作拂逆想，卽現頗足食，常作

貧窶想，卽人相愛敬，常作恐懼想，卽家世望重，常作卑下想，卽學問頗優，常作淺陋想，遠思揚祖之德，近思蓋父之愆，上思報國之恩，下思造家之福，外思濟人之急，內思閑己之邪，日日知非，日日改過。此一節刻派一日不知非，則一日安於自是，一日無過可改，卽一日無步可進，天下聰明俊秀不少，所以德不加修，業不加廣者，只爲因循二字，擔閣一生。因循二字世人通病切須雲谷禪師所授立命之說，乃至精至邃，至中至

正之理當熟玩而勉行之毋自曠也。

改過之法

春秋諸大夫見人言動憶而談其禍福靡不驗者左國諸記可觀也。大都吉凶之兆萌乎心而動乎四體。其過於厚者常獲福過於薄者常近禍。俗眼多醫謂有未定而不可測者。至誠合天福之將至觀其善而必先知之矣。禍之將至觀其不善而必先知之矣。今欲獲福而免禍未論行善先須改過。真確但改過者第

一要發恥心。思古之聖賢與我同爲丈夫。彼何以百世可師。我何以一身羸裂。耽染塵情私行不義。謂人不知。傲然無愧。將日淪於禽獸而不自知矣。真正可恥世之可羞可愧者莫大乎此。孟子曰。恥之於人大矣。以其得之則聖賢。失之則禽獸耳。此改過之要機也。第一要發畏心。天地在上鬼神難欺。吾雖過在隱微而天地鬼神實臨臨之。勿以惡小而爲之重則降之百殃。輕則損其現福。吾何可以不懼。不惟是也。閒居之地。指視

昭然吾雖掩之甚密。文之甚巧。而肺肝早露。終難自欺。被人覷破。不值一文錢矣。烏得不凜凜。不惟是一息尚有彌天之惡。猶可悔改。人要及時改過。古人有一生作惡。臨死悔悟。發一善念。遂得善終者。謂一念猛勵。足以滌百年之惡也。譬如千年幽谷。一燈纔照。則千年之暗俱除。凡過不說久近。惟以改爲貴。但塵世無常。肉身易殞。一息不屬。欲改無由矣。明則千百年擔負惡名。雖孝子慈孫不能洗滌。幽則千百劫沉淪獄。

報。雖聖賢佛菩薩不能援引。烏得不畏。第三要發可心。人不改過多。是因循退縮。吾須奮然振作。不用遲疑。不煩等待。小者如芒刺在肉。速與抉剔。大者如毒蛇嚙指。速與斬除。無絲毫疑滯。此風雷之所以爲益也。須如此存心方能改過。具是三心。則有過斯改。如春冰遇日。何患不消乎。然人之過。有從事上改者。有從理上改者。有從心上改者。工夫不同。效驗亦異。如前日殺生。今戒不殺。前日怒詈。今戒不怒。此就其事而戒之者。

也。強制於外。其難百倍。且病根終在。東滅西生。非究竟廓然之道也。善改過者。未禁其事先明其理。如過在殺生。卽思曰。上帝好生物。皆戀命。殺彼養已。豈能自安。此四句括盡戒殺之旨。且彼之殺也。旣受屠割。復入鼎鑊。種種痛苦。徹入骨髓。已之養也。珍膏羅列。食過卽空。蔬食菜羹。儘可充腹。何必戕彼之生。損已之福哉。又思血氣之屬。皆含靈知。旣有靈知。皆我一體。縱不能躬修至德。令其尊我。親我。豈可日戕物命。令其仇我。

憾我於無窮也。一思及此。將有對食傷心。不能下咽者矣。如前日好怒。必思曰。人有不及情所宜。矜恃理相干於我。何與。此四句括盡戒怒之旨。本無可怒者。又思天下無自是之豪傑。亦無尤人之學問。行有不得。皆已德未修。感未至也。吾悉以自反。則謗毀之來。皆磨鍊玉成之地。我將歡然受賜。何怒之有。又聞謗而不怒。雖讒焰薰天。如舉火焚空。終將自息。聞謗而怒。雖巧心力辨。如春蠶作繭。自取纏綿。怒不惟無益。且有害也。

其惟種種過惡皆當據理思之。此理既明，過將自止。何謂從心而改？過有千端，惟心所造。吾心不動，過安從生？學者於好色、好名、好貨、好怒種種諸過，不必逐類尋求，但當一心爲善。正念時時現前，邪念自然汚染不上。如太陽當空，魍魎潛消。此精一之真傳也。過由心造，亦由心改。如斬毒樹，直斷其根，何必枝枝而伐葉葉而摘哉？大抵最上者治心，當下清淨，纔動卽覺。覺之卽無，若未能然，須明理以遺之，又未能然，須

隨事以禁之。以上事而兼行，下功未爲失策。執下而昧上，則拙矣。顧發願改過，明須良朋提醒，幽須鬼神證明。一心懺悔，晝夜不懈。經一七二七，以至一月二月三月，必有效驗。或覺心神恬曠，或覺智慧頓開，或處冗沓而觸念皆通，或遇冤仇而同真作喜，或夢吐黑物，或夢往聖先賢提携接引，或夢飛步太虛，或夢幢幡寶蓋種種勝事，皆過消罪滅之象也。此皆活人根然不得執此自高，畫而不進。昔蘧伯玉當二十歲時已

覺前日之非而盡改之矣。至二十一歲乃知前日之所改未盡也。及二十二歲。同視二十一歲。猶在夢中。歲復一歲。遞遞改之行年五十。猶知四十九年之非。古人改過之學如此。吾輩身為凡流。過惡蝟積。回思往事。常若不見其有過者。心粗而眼翳也。然人之過惡深重者。亦有效驗。或心神昏塞。轉頭即忘。或無事而常煩惱。或見君子而赧然沮沮。或聞正論而不樂。或施惠而人只怨。或夜夢顛倒。甚則妄言失志。皆作

孽之相也。此皆死若一類此。即須奮發。合舊圖新。幸

勿自悞。人若不發奮。過竟難改。

積善之方

易曰積善之家。必有餘慶。昔顏氏將以女妻叔梁紇。歷叙其祖宗積德之長。逆知其子孫必有興者。孔子稱舜之大孝曰宗廟饗之。子孫保之。皆至論也。試以往事徵之。楊少師榮。建寧人。世以濟渡為生。久雨溪漲橫流。衝毀民居。溺死者。順流而下。他舟皆撈取貨

物獨少師曾祖及祖。惟救人而貨物一無所取。鄉人
強其愚。逮少師父生家漸裕。有神人化爲道者。語之
曰。汝祖父有陰功。子孫當貴顯。宜葬某地。遂依其所
指而窆之。卽今白兔墳也。後生少師弱冠登第。位至
三公。加曾祖祖父如其官。子孫貴盛。今尚多賢。勸人
楊自懲初爲縣吏。存心仁厚。守法公平。時縣宰嚴肅
偶撻一囚。血流滿前。怒猶未息。楊跪而寬解之。宰曰
曾奈此人。越法悖理。不出人不怒。自懲叩首曰。如得

其情。哀矜勿喜。喜且不可。何況怒乎。

爲吏誰敢道破

宰爲之

霽顏。家甚貧。餽遺一無所取。遇囚人乏糧。常多方以
濟之。一日有新囚數人待哺。家又缺米。給囚則家人
無食。自顧則囚人堪憫。與其婦商之。婦曰。囚從何來。
曰。自杭來。沿路忍饑。菜色可掬。因撤已之米。煮粥以
食囚。後生二子。長曰守陳。次曰守吐。爲南北吏部侍
郎。長孫爲刑部侍郎。次孫爲四川廉憲。俱爲名臣。今
楚亭德政亦其裔也。昔正統間。鄧茂七倡亂於福建。

士民從賊者甚衆。朝廷起鄞縣張都憲楷南征。以計擒賊。後委布政司謝都事。搜殺東路賊黨。謝求賊中黨附冊籍。凡不附賊者。密授以白布小旗。約兵至日。挿旗門首。戒軍兵無妄殺。全活萬人。後謝之子遷中狀元。爲宰輔。孫丕復中探花。莆田林氏。先世有老母好善。常作粉團。施人求取。卽與之。無倦色。感仙化道人。每旦索食六七團。母日日與之。終三年。如一日。乃知其誠也。卽粉團之善亦有限。獨此一片誠心不倦。乃是無量福田。因謂之曰。吾

食汝三年粉團。何以報汝。府後有一地。葬之子孫。官爵至一升麻子之數。其子依所點葬之。初世只有九人登第。累代簪纓甚盛。福建有無林不開榜之謠。馮琢菴太史之父。爲邑庠生。隆冬早起赴學。路見一人倒臥雪中。捫之半僵矣。遂解已綿裘衣之。且扶歸救甦。夢神告之曰。汝救人一命。出自誠心。吾遣韓琦爲汝子。及生琢菴。遂名琦。台州應尙書。壯年習業於山中。夜鬼嘯集。往往驚人。公不懼也。一夕聞鬼云。某婦

以夫久客不歸翁姑逼其嫁人明夜當縊死於此吾
得代矣公潛賣田得銀四兩卽僞作其夫書信寄銀
還家曲行仁術全節全倫何等心腸何等學問其父母見書以字跡不類
疑之既而曰書可假銀不可假想兒無急婦遂不嫁
其子後歸夫婦相保如初公又聞鬼語曰吾當得代
奈此秀才壞吾事傷一鬼曰爾何不禍之曰上帝以
此人心好命作陰德尚書矣吾何得而禍之公因此
益自努勵善日加修德日加厚遇歲饑輒捐穀以賑

之遇親戚有急輒委曲維持遇有橫逆反射自責怡
然順受子孫登科第者今累累也常熟徐鳳竹杖其
父素富偶遇年荒先捐租以爲同邑之倡又分穀以
賑貧乏夜聞鬼唱於門曰千不誣萬不誣徐家秀才
做了舉人卽相續而呼連夜不斷是年鳳竹果舉於
鄉其父因而愈積德孳孳不怠修橋修路齋僧接衆
凡有利益無不盡心後又聞鬼唱於門曰千不誣萬
不誣徐家舉人做都堂鳳竹官終兩浙巡撫嘉興屠

康僖公初爲刑部主事宿獄中細詢諸囚情狀得無辜者若干人公不自以爲功密疏其事以白堂官後朝審堂官摘其語以詢諸囚無不服者釋冤抑十餘人一時輦下咸頌尚書之明公復稟曰輦轂之下尚多寃民四海之廣兆民之衆豈無枉者宜五年差一減刑官覈實而平反之尚書爲奏允其議時公亦差減刑之列夢神告之曰汝命無子今減刑之議救人甚多深合天心上帝賜汝三子皆衣紫腰金是夕夫人有

娠後生應培應坤應垓皆顯宦嘉興包憑字信之其父爲池陽太守生七子馮最少贅平湖袁氏與吾父往來甚厚博學高才累舉不第畱心二氏之學一日東游泖湖偶至一村寺中見觀音像淋漓露立卽解橐中得十金授主僧令修屋宇僧告以功大銀少不能竣事復取松布四疋檢篋中衣七件與之內紵褶係新製僕請已之馮曰但得菩薩無恙吾雖裸裎何傷僧垂淚曰舍銀及衣布猶非難事只此一點心如

何易得。後功完。杜老父同遊宿寺中。公夢伽藍來曰。汝子當享世祿矣。後子汴孫。聖孫。樞。梁。芳。皆登科第。作顯官。嘉興。支立之父。爲刑房吏。有囚無辜。陷重辟。意哀之。欲求其生。因語其妻曰。支公嘉意。愧無以報。明日延之下鄉。汝以身事之。彼或肯用意。則我可生也。其妻泣而聽命。及至。妻自出勸酒。具告夫意。支不聽。卒爲盡力。平反之。囚出獄。夫妻登門叩謝曰。公如此厚德。晚世所稀。今無子。吾有弱女。送爲箕箒妻。此則

禮之可通者。支爲備禮納之。生立弱冠。中魁。官至翰林。孔目。立生高高生祿。皆貢爲學博。祿生大綸登第。凡此十條所行不同。同歸於善而已。若復精而言之。則善有真。有假。有端。有曲。有陰。有陽。有是。有非。有偏。有正。有半。有滿。有大有。小有。難有易。皆當深辨爲善。而不窮理。則自謂行持。豈知造業。枉費苦心。無益也。何謂真。假。昔有儒生數輩。謁中峯和尚。問曰。佛氏論善惡報應。如影隨形。今某人善。而子孫不興。某人惡。

而家門隆盛佛說無稽矣。中峯云：凡情未滌，正眼未開，認善爲惡，指惡爲善，往往有之。不憾已之是非顛倒，反怨天之報應有差乎？衆曰：善惡何至相反？中峯令試言其狀。一人謂言人毆人是惡，敬人禮人是善。中峯曰：未必然也。一人謂貪財妄取是惡，廉潔有守是善。中峯曰：未必然也。衆人歷言其狀，中峯皆謂不然。因請問中峯，苦之曰：有益於人是善，有益於己是惡。有益於人未嘗不有益於己，只爲徇私利已者言也。有益於人則毆人，言

人皆善也。有益於己則敬人禮人，皆惡也。是以人之行善利人者公，公則爲真利己者私，私則爲假。又根心者真，襲跡者假。又無爲而爲者真，有爲而爲者假。皆當自致。何謂端曲？今人見謹愿之士，類稱爲善而取之。聖人則寧取狂狷，至於謹愿之士，雖一鄉皆好，而必以爲德之賊。是世人之善惡，分明與聖人相反。推此一端，種種取舍，無有不謬。天地鬼神之福善禍淫，皆與聖人同是非，而不與世俗同取舍。凡欲積善

決不可徇耳目。惟從心源。隱微處。默默洗滌。純是濟世之心。則爲端。有一毫媚世之心。則爲曲。純是愛人之心。則爲端。有一毫憤世之心。則爲曲。皆當細辨。回謂陰陽。凡爲善而人知之。則爲陽。善爲善而人不知。則爲陰。德陰。德天報之。陽善享世名。名亦福也。急須各者造物所忌。世之享盛名而實不副者。多有奇禍。必然理之人。無他腸。而橫被惡名者。子孫往往驟發。必然

陰陽之際微矣哉。何謂是非。魯國之法。魯人有贖人臣妾於諸侯。皆受金於府。子貢贖人而不受金。孔子聞而惡之。曰。賜失之矣。夫聖人舉事。可以移風易俗。而教道可施於百姓。非獨適己之行也。今魯國富者寡而貧者衆。受金則爲不廉。何以相贖乎。自今以後。不復贖人於諸侯矣。子路拯人於溺。其人謝之以牛。子路受之。孔子喜曰。自今魯國多拯人於溺矣。自俗眼觀之。子貢不受金爲優。子路之受牛爲劣。孔子則

取由黜賜。乃知人之爲善。不論現行。而論流弊。不論一時。而論久遠。不論一身。而論天下。現行雖善。而其流足以害人。則似善而實非也。現行雖不善。而其流足以濟人。則非善而實是也。然此就一節論之耳。他如非義之義。非禮之禮。非信之信。非慈之慈。皆當決擇。何謂偏正。昔呂文懿公初辭相位歸故里。海內仰之如泰山北斗。有一鄉人醉詈之。呂公不動。謂其僕曰。醉者勿與較也。閉門謝之逾年。其人犯死刑入獄。

呂始悔之曰。若當時稍與計較。送公家責治。可以小懲而大戒。我當時只欲存心於厚。不謂養成其惡。以至於此。此以善心而行惡事者也。又有以惡心而行善事者。如某家大富。值歲荒窮民。自晝攫粟於市。告之縣。縣不理。窮民愈肆。遂私執而困辱之。衆始定。不然。幾亂矣。但善者爲正。惡者爲偏。人皆知之。其以善心而行惡事者。正中偏也。以惡心而行善事者。偏中正也。不可不知。何謂半滿。易曰。善不積不足以成名。

惡不積不足以滅身。書曰：商罪貫盈，如貯物於器，勤而積之，剔滿懈而不積，則不滿。此一說也。昔有某女入寺，欲施而無財，止有錢二文，捐與主席者，親爲懺悔。及後入宮富貴，携數千金入寺捨之。主僧惟令其徒回向而已。因問曰：我前施二文錢，汝親爲懺悔，今施數千金而汝不回向，何也？曰：前者物雖微而施心真，非老僧親懺，不足以報德。今物雖厚而施心不若前日之切，令人代懺足矣。此千金爲半二文爲滿也。

鍾離授丹於呂岩，點石爲金，可以濟世。岩問曰：終變否？曰：五百年後當復本質。岩曰：如此則害五百年後人矣。我不願爲也。曰：修仙要積三千功行。汝此一言三千功行已滿矣。此又一說也。又爲善而心不着善，則隨所成就皆得圓滿。心着於善，則終身勤勵止於半善而已。譬如以財濟人，內不見己，外不見人，中不見所施之物，是謂三輪體空。是謂一心清淨。則斗粟可以種無涯之德。一文可以消千劫之罪。倘此心未

忘雖黃金萬鎰福不滿也。此又一說也。何謂大小。昔
衛仲達爲館職。被攝至冥司。吏呈善惡二錄。比至則
惡錄盈庭。其善錄則如筴而已。索秤秤之。則盈庭者
反輕。而如筴者反重。仲達曰。某年未四十。安得過惡
如是多乎。曰。一念不正。卽是過惡。不待犯也。因問軸
中所書何事。曰。朝廷嘗興大工。修三山石橋。以備遊
玩。若是修造萬人行走之橋。又當以贊助爲大善。舊本誤遺以備遊玩四字。汝上疏諫之。
此疏稿也。仲達曰。某雖言之。朝廷不從。於事何益而

能有如是之力。曰。朝廷雖不從。汝之一念已在萬民。
向使聽從。善力更大矣。凡志在天下國家。則善雖小
而大。若在一身。雖多亦少。何謂難易。先儒謂克己須
從難處克。夫子論爲仁亦曰先難。必如江西舒翁捨
二年僅得之束修。代償官銀而全人夫婦。與邯鄲張
翁捨十年所積之資。伐完贖銀而活人妻子。皆所謂
難捨處能捨也。如鎮江靳翁。雖年老無子。不忍以幼
女爲妾而還之鄰。此難忍處能忍也。所以天之降福

亦厚。凡有財有勢者其立德皆易。易而不為是謂自
暴。貧賤作福皆難。難而能為斯可貴耳。隨緣濟眾其
類至繁。約言其綱。大略有十。第一與人為善。第二愛
敬存心。第三成人之美。第四勸人為善。第五救人之
急。第六興建大利。第七捨財作福。第八護持正法。第
九敬重尊長。第十愛惜物命。何謂與人為善。昔舜在
河濱見漁者皆爭取深潭厚澤。其老弱則漁於急流
淺灘之中。惻然哀之。往而漁焉。見爭者皆匿其過而

不談。見有讓者則揄揚。取法期年。皆以深潭厚澤相
讓矣。夫以舜之明哲。豈不能出言教人哉。乃不以言
教。而以身教。此良工苦心也。不獨聖人當然吾輩處末世。勿
以己之長而蓋人。勿以己之善而形人。勿以己之多
能而困人。收斂才智。若無若虛。見人過失。且涵容而
掩覆之。一則令其可改。一則令其有所顧忌。而不致
縱。見人有微長。可取小善。可錄。翻然捨己而從之。且
為艷稱而廣述之。凡日用間發一言。行一事。全不為

自身起念。全是爲物立。則此大人。天下爲公之度也。
自勿以已長起至此止。俱是密傳。爲何謂愛敬存心。
善心法。每日當熟讀一遍。不可間斷。君子與小人。就形迹觀。常易相混。惟一點存心處。則
善惡懸絕。判然如黑白之相反。故曰。君子所以異於
人者。以其存心也。君子所存之心。只是愛人敬人之
心。蓋人有親疎貴賤。有知愚賢不肖。萬品不齊。皆吾
同胞。皆吾一體。孰非當愛當敬者。愛敬衆人。卽是愛
敬聖賢。能通衆人之志。卽是能通聖賢之志。何者。聖

人之志。本欲斯世斯人。各得其所。吾合愛合敬而安
一世之人。卽是爲聖賢而安之也。何謂成人之美。玉
之在石。抵擲則瓦礫。追琢則圭璋。是以見人行一善
事。或其人志可進而資可取。皆須誘掖而成就之。或
爲之獎借。或爲之維持。或爲之白其誣。而分其誦。務
令其成立而後已。大抵人各惡其非類。鄉人之善者
少。不善者多。善人在俗。亦難自立。且豪傑錚錚。不甚
修形迹。多易指摘。所以善事常易敗。善人常得謫。惟

仁人長者。匡直而輔翼之。其功德最宏。何謂勸人為善。生為人類。孰無良心。世路役役。最易沒溺。凡與人相處。當方便提撕。開其迷惑。譬如長夜大夢。令之醒覺。譬如久陷煩惱。披之清涼。為惠最普。韓文公云。一時勸人以口。百世勸人以書。較之與人為善。雖有形迹。然對症發藥。時有奇效。不可廢也。失言失人。當反吾智。何謂救人危急。患難顛沛。人所時有。偶一遇之。當如痼疾之在身。速為解救。宜體貼此語或以一言伸其

屈抑。或以多方濟其顛連。崔子曰。惠不在大。赴人之急可也。何謂興建大利。小而一鄉之內。大而一邑之中。凡有利益。最宜興建。或開渠道。導水或築堤防。患或修橋路。以便行旅。或施茶飯。以濟饑渴。隨緣勸導。協力興修。不避嫌疑。不辭勞怨。總做侍來何謂捨財作福。釋門萬行。以佈施為先。所謂佈施者。只是捨之一字耳。達者內捨六根。外捨六塵。一切所有。無不捨者。如未能然。先從財上佈施。世人以衣食為命。故財為最重。

吾從而捨之內以破我之墜外以濟人之急始而勉強終則泰然最可以蕩滌私情祛除執吝何謂護持正法法者萬世生靈之眼目也不有正法何以參贊天地何以裁成萬物何以脫塵離縛何以經世出世所以凡見聖賢廟貌經書典籍皆當敬重而修飭之至於舉揚正法尤宜勉勵何謂敬重尊長家之父兄國之君王與凡年高德高位高識高者皆當加意敬重在家奉侍父母要深愛婉容柔聲下氣習以成性

便是和氣格天之本

總為真孝

出而事君行一事毋謂君

不知而自恣也刑一人毋謂君不見而作威也事君

如天前人格論

總為真忠

此等處最關陰德試看忠孝之

家子孫未有不綿遠而昌盛者切須慎之何謂愛惜

物命凡入之所以為人者惟此惻隱之心而已求仁

者求此積德者積此周禮孟春之月犧牲毋用牝孟

子謂君子遠庖厨所以全吾惻隱之心也前輩有四

不食之戒謂聞殺不食見殺不食自養者不食專為

我殺者不食。人未能斷肉。且當從此戒之。漸漸增進。慈心愈長。不特殺生當戒。蠢動含靈。皆為物命。求絲煮繭。鋤地殺蟲。念衣食之由來。皆殺生以自活。彼暴殄之孽。當與殺生等論。至於手所懼傷。足所懼踐者。不知其幾。皆當委曲防之。蘇東坡云。捲簾歸。乳燕穴。牖出癡蠅。愛鼠常留飯。憐蛾不點燈。何其仁也。善行無窮。不能盡述。由此十事而推廣之。則萬德可備矣。

謙德之效

易曰。天道惡盈而好謙。地道變盈而流謙。鬼神害盈而福謙。人道惡盈而好謙。是謙之一卦。六爻俱吉。書曰。滿招損謙。受益。予屢同諸公應試。每見寒士將遠。必有一段謙光。可掬。辛未計偕我嘉善同袍凡十人。惟丁敬宇。實年最少。極其謙虛。予告費錦波曰。此兄今年必第。費曰。何以見之。予曰。惟謙受福。此四字是法要兄看十人中。有恂恂欵欵。不敢先人。如敬宇者乎。有恭敬順承。小心謙畏。如敬宇者乎。有受侮不答。聞

謫不辯。如敬宇者乎。人能如此。卽天地鬼神猶將佑之。豈有不發者。及開榜。丁果中式。丁丑在京。與馮開之同處。見其虛已。歛容。大變其幼習。李霽巖直諒益友。時面攻其非。但見其平懷順受。未嘗有一言相報。予告之曰。福有福始。禍有禍先。此心果謙。天必相之。兄今年決第矣。已而果然。趙裕峯光遠。山東冠縣人。童年舉於鄉。久不第。其父爲嘉善三尹。隨之任。慕錢明吾而執文見之。明吾悉抹其文。趙不惟不怒。且心

服而速改。明年登第。壬辰歲。予入覲。晤夏建所。見其氣虛意下。謙光逼人。歸告人曰。凡天將發斯人也。未發其福。先發其慧。此慧一發。則浮者以實。肆者以歛。建所溫良若此。反啓之矣。及開榜。果中。江陰張畏巖積學工文。有聲菽林。甲午南京鄉試。寓一寺中。揭曉無名。大罵試官。眦目。時有道者在傍。微笑。張遽移怒道者。道者曰。相公文必不佳。張益怒曰。汝未見我文。何知不佳。曰。聞作文貴心氣。和平今聽公罵詈。不平

甚矣。艾安得工。張不覺屈服。因而請教。道者曰。中全要命。命不該中。文雖工無益也。須自己做個轉變。張曰。既是命。如何轉變。道者曰。造命者天。立命者我。力行善事。廣積陰德。何福不可求哉。立命真詮 求福捷法張曰。我貧士何能為道者。曰。善事陰功。皆由心造。常存此心。功德無量。且如謙虛一節。並不費錢。你如何不自反。而罵試官乎。拈此 剷餘張曰。此折節自持。善日加修。德日厚。丁酉夢至一高房。得試錄一冊。中多缺行。問旁人。

曰。此今科試錄。何多缺名。曰。科第陰間三年一考。較須積德無咎者。方有名。如前所缺。皆係舊該中式。因新有薄行而去之者。可指後一行云汝三年來持身頗慎。或當補此。幸自愛。是科果中一百五名。由此觀之。舉頭三尺。決有神明趨吉避凶。斷然由我。我須要存心制行。毫不得罪於天也。鬼神但虛心屈已。要天地鬼神時時憐我方有受福之基。彼氣盈者。必非遠器。縱發亦無受用。稍有識見之士。必不忍自狹其量。

而自拒其福也。省眼謹記况謙則受教有地而取善無窮
尤修業者必不可少。古云有志於功名者必得功名。
有志於富貴者必得富貴。人之有志如樹之有根立
定此志須念念謙虛塵塵方便自然感動天地而造
福由我。今之求登科第者初未嘗有真志不過一時
意興耳興到則求興闌則止。孟子曰王之好樂甚則
齊其庶幾乎。予於科名亦然。

